

# Pol da Tesalonaika Amin do Papia 1 Mandagit

## But piso gen

Tesalonaika uŋun Masadonia Provins dakon kokup madepni. Pol Pilipai yipman degkit bisapmon Tesalonaika kokup madepmon kiŋ paŋmuwukbi uŋun iyi paŋalon agit (Yabekbi 17.1-9 uŋudon koki). Mani Juda amin da kaŋba miŋat aminyo morapmi da Pol dakon gen nandaŋek Yesu yolyol amin dagawit, do nandaba yokwi tok aŋ imiŋek Pol yolba Tesalonaika yipman kigit. Don pi isalni Timoti yabekban kiŋ Yesu yolyol amin Tesalonaika egipgwit uŋun niaŋ ekwaŋ uŋun pindak nandaŋyo aŋek abiŋ Pol iyigit.

Pol, Timoti da yo uŋun noman tawit dakon geni iyigit bisapmon, Pol ae Sailas ae Timoti da Tesalonaika paŋmuwukbi dakon nandaŋ gadatni paŋteban ak do aŋek papia on mandawit. Nandak nandak amin morapmi da on papia do Pol da papia morap dima mandarek on papia naŋ mibiltoksi mandagit yaŋ nandaŋ. On papiakon Pol da Tesalonaika paŋmuwukbi dakon nandaŋ gadat gat ae aŋpakni tagisi do but galaksi nandisak.

Tesalonaika paŋmuwukbi uŋun Yesu kosit niaŋon da apjak uŋun dima nandaba pisagit. Kristo dima tobił abinjakwan kili kimakgwit amin uŋun egip egip teban abidokdaŋ, bo dima? Ae Kristo ni bisapmonsi apjak? Yaŋdo, mibili nandak do nandaŋ. Pol da geni uŋun dakon kobogi mandaŋ yomiŋek aŋpak tagisi aŋkimagek Amin Tagi da apjak bisap do jomjom ani do yoyigit.

## Pol gat pi isalni gat Tesalonaika amin do nandaba kik awit

*(Kilapmi 1–3)*

**1** <sup>1</sup>Pol, Sailas, ae Timoti nin da paŋmuwukbi Tesalonaika kokup papmon ekwaŋ ji do papia on mandamaŋ. Ji Piŋkop Dat ae Amin Tagi Yesu Kristokon kili gadawit.

Piŋkop da nandaŋ yawok damiŋek butji paŋ yawot aban yawori tosak.

**Pol da Tesalonaika amin dakon nandaŋ gadat do but galaksi nandagit**

<sup>2</sup>Bisapmi bisapmi nin ji do nandaŋek Piŋkop ya yaŋ iyamaŋ. Bisit amaŋon ji kisi do nandaŋek amaŋ. <sup>3</sup><sup>b</sup>Nin ji dakon aŋpak do nandaŋek

---

<sup>a</sup> 1.1 Ya 17.1-9    <sup>b</sup> 1.3 1Ko 13.13; Kol 1.4-6

Piŋkop Dat ya yaŋ iyamaŋ. Nido nandaŋ gadatji do aŋek aŋpak tagisi aŋ, ae amin do but dasi galak taŋ yomiŋek pi tebaisi aŋ, ae tebaisi agek Amin Taginin Yesu Kristo ae tobił apdisak uŋun do nandaŋ teban tajeŋ jomjom aŋ.

<sup>4</sup>Not kabi, Piŋkop da ji do but dasi galak taŋ damisak, ae ji iyi do manjigit yaŋsi nandamaŋ. <sup>5</sup>°Nido Gen Bin Tagisi jikon aŋkigimaŋ uŋun gen naŋ gin dima aŋkigimaŋ. Uŋun tapmim gat ae Telagi Wup gat kisi da altaŋ damgut. Ae nandaŋ gadatnin uŋun tebaisi yaŋ disi pindakgwit. Nin ji da binapmon egek ji paŋpulugok do pi agimaŋ uŋun disi nandaŋ. <sup>6</sup>°Piŋkop dakon gen abidaŋakwa jigi morapmisi noman taŋ damgwit, mani nin gat ae Amin Tagi gat da jigi paŋek kisik kisik pagimaŋ jiyo kisi uŋun aŋpak yolakwa Telagi Wup da kisik kisik damgut. <sup>7</sup>Aŋpakji tagisi uŋun nandaŋ gadat miŋat aminyo morap Masadonia ae Akaia provinskon ekwaŋ do yoliŋba pindakgwit. <sup>8</sup>Amin Tagi dakon gen yaŋ teŋteŋawit uŋun Masadonia ae Akaia provinskon ekwaŋ amin dagin dima nandawit, kokup dukwan dukwan kisi da ji da Piŋkop do nandaŋ gadawit uŋun dakon geni nandawit, do nin da saŋbeŋek gen di yogogi mini. <sup>9</sup>Jikon opno nin tagisi timikgwit uŋun dakon geni uŋun miŋat aminyo da iyi yoŋ. Ji kokup kidat yopmaŋek but tobił aŋek Piŋkop bamisi egip egip teban egisak uŋudon kiŋek oman amini dagawit dakon geni yoŋ. <sup>10</sup>Ae ji Monji Kwen Kokup da tobił pikdisak uŋun do jomjom aŋek ekwaŋ uŋun dakon geni kisi yoŋ. Monji uŋun kimakgit naŋ Piŋkop da aeni aban pidagit. Uŋun Yesu da nin paŋkutnaŋban Piŋkop dakon butjap madep noman tokdisak bisapmon dima yokwi tonerŋ.

### Pol iyi Tesalonaika kokup papmon pi agit do yosok

**2** <sup>1</sup>Not kabi, nin ji gat egipgumaŋ bisapmon pi agimaŋ uŋun dima suŋ tagit, uŋun disi nandaŋ. <sup>2</sup>°Nin jikon dima kiŋek Pilipai kokupmon egipgumaŋ bisapmon aŋpak yokwi mayak mayagi aŋ ningwit, ae nindapba tepmi pagimaŋ, uŋun disi nandaŋ. Mani jikon opgumaŋ bisapmon Piŋkopnin da nin paŋteban aŋakwan uwalnin yum pindagek jikon Gen Bini Tagisi yaŋ teŋteŋagimaŋ. <sup>3</sup>Nin Yesu nandaŋ gadaŋ imni do yaŋ damgumaŋ bisapmon, gen gulusuŋ kinda dima dayigimaŋ, ae nandaŋ nandaŋ yokwi di gat nandaŋek pi dima agimaŋ, ae ji dima paŋkewalgimaŋ. Uŋun dimasi. <sup>4</sup>°Piŋkop da butnin paŋkilik nindaŋek iyi dakon galaktok yolek Gen Bin Tagisi yaŋ teŋteŋoneŋ dakon pi nimgut. Yaŋdo, miŋat aminyo da nindaba pi tagisi aŋ yaŋ nindani do dima amaŋ. Piŋkop nin dakon but pindat pindat amin uŋun da nindaban tagisi amaŋ uŋun dogin nandaŋek amaŋ. <sup>5</sup>Ji nandaŋ, ae Piŋkop kisi nandisak, nin da ji dima paŋgalak agimaŋ, ae ji dakon yo kabi do pindak galaktok aŋek

° 1.5 1Ko 2.4-5    ° 1.6 Ya 17.5-9    ° 2.2 Ya 16.19-24; 17.1-9    ° 2.4 Gal 1.10

gen tagi unun dima dayigiman. <sup>6</sup>Ji bo ae amin di da man madep nimni yanon da pi dima agiman.

<sup>7</sup>Asi, nin Kristo dakon yabekbini, do panpulugonisi do tagi dayinom. Mani, nin ji da bikbigon egipguman bisapmon mej kinda da monjini upmokdok unun da tilak yaworisi egipguman. <sup>8</sup>Nin ji do but dasi galak tan danguman, do Pinjkop dakon Gen Bin Tagisi danguman. Ae unun gin dima, notsi agiman do anek ji panpulugok do egip egipnin kisi paregiman.

<sup>9</sup>Not kabi, nin ji gat egek Pinjkop dakon Gen Bin Tagisi yagiman bisapmon nin yo niban nan panjo anej yan do pi tebaisi agiman unun disi nandan. Nin dakon yiyit do jigi dima pani yan do gildari ae kalbi pi madepsi agiman.

<sup>10</sup>Kristo nandan gadan iman amin jikon anpak agiman unun disi nandan, ae Pinjkop yo kisi nandisak. Nin telagisi egek, anpak kilegisi anek, gwaljigi mini egipguman. <sup>11</sup><sup>a</sup>Dat kinda da minat monjionikon anpak asak, unun da aripmon nin da jikon anpak yan gin agiman, unun disi nandan. <sup>12</sup>Nin ji dakon but panjeban anek but yokwi dima ani yan do dayin panjeban agiman. Ae anpak Pinjkop da pindakban tagisi an unun ban ani do morapmi dayigiman. Pinjkop da iyi dakon amin kila agak ae tilim kaganigwan egipni do yan damisak.

### **Panmuwukbi da nandan gadat bamisi anek jigikon tebai akwit**

<sup>13</sup><sup>i</sup>Ae yo kinda gat kisi do nandanek bisapmi bisapmi Pinjkop ya yan iyaman. Yo unun yan: Pinjkop gen yanapno timikgwit bisapmon, amin dakon gen ban timikgaman yan dima nandawit. Pinjkop iyi dakon gen ban timikgaman yanji nandawit. Gen danguman unun asi Pinjkop dakon gen. Unun gen da nandan gadat amin jikon pi tebaisi asak. <sup>14</sup><sup>j</sup>Not kabi, Judia miktimon Pinjkop dakon panmuwukbi morap Yesu Kristokon gadanji da egi anan kwanon, yo noman tan yomgwit, jikon yan gin noman tan dangwit. Judia miktimon nandan gadat amin Juda amin da jigi morapmi anyomgwit, yan gin kokup isalji da jiyo jigi morapmi andangwit. <sup>15</sup><sup>k</sup>Juda amin da Amin Tagi Yesu anakba kimakgit, ae kombi amin kisi dapba kimakgwit, ae nin nolba kigiman. Pinjkop da anpak pindakban inani an unun anek amin morap kisi uwal an yoman. <sup>16</sup>Amin Iwaknwaru Kabikon Pinjkop gen dima yoyine yan do kosit sopsop ak do pi an, nido Pinjkop da yokwikon ban dima timitjak do nandan. Yan anek kalipgan da yokwi sigin anek yokwini panmuwuk kakwanba madepsi anakwan apmenon Pinjkop dakon butjapni pabij unun aminon tagit.

### **Pol da Tesalonaika amin aeni pindat do tagisi nandagit**

<sup>17</sup>Not kabi, nin bisap pisipmi ji depman degek dat kinda da minat monjioni yopmanek dubagikon egisak unun dakon tilak egipguman. Nin

<sup>g</sup> 2.9 Ya 20.34   <sup>h</sup> 2.11-12 Ya 20.31   <sup>i</sup> 2.13 2Tes 2.13   <sup>j</sup> 2.14 Ya 17.5   <sup>k</sup> 2.15 Ya 9.23,29; 13.45,50; 14.2,5,19

ji dima dandagiman, mani butninon da ji gat egipguman. Do aenin tobil kin ji dandak do pi madepsi agiman. Nin ji dandakdosi nandaman. <sup>18</sup>Nin jikon kik do nandagiman. Nak Pol da jikon kosiri morapmi kik do pini agim, mani Sunduk da kosit sopman nimgut. <sup>19</sup>Amin Taginin Yesu aeni apjak bisapmon yo nido nandanek injamnikon tebai agek kisik kisik anej? Ae pi agiman dakon bami yo ninan yolino pi tagisi awit yan nindasak? Nin ji do kisik kisik anej. <sup>20</sup>Asi, nin ji do nandanek butnin tagisi asak, ae kisik kisik aman.

### Pol da Timoti Tesalonaika amin panjeban asak do yabekgit

**3** <sup>1</sup>Nin ji dandak do tepmisi nandagiman, do gen yan anteban anek nit Atens kokupmon egek <sup>2</sup>Timoti yabetdo jikon opgut. Timoti notnin unun Pinjop dakon oman amin, unun Kristo dakon Gen Bin Tagisi yan tejenosok. Ji panjeban anek nandan gadatji panpulugosak do yabekgimak. <sup>3</sup>Jigi tepmiyo unun da noman tan daba di da nandan gadatji dima yipman detni yan do yabekgimak. Disi nandan, jigi ae tepmiyo unuden panen do Pinjop da kili nandagit. <sup>4</sup>Nin ji gat sigin egipguman bisapmon jigi morapmi pakdaman yan dayigiman. Disi pakyansi nandan, yo dayigiman unun kili noman tawit. <sup>5</sup>Mibili yan do nak ji do nandaba kik anek Timoti yabekgo ji dakon nandan gadat pindat do opgut. Panjewan Amin da ji panjewanban manakwa pi agiman unun isali asak yan do pasalgim.

### Timoti gen tagisi kinda anjapban Pol kisik kisik agit

<sup>6</sup>Timoti jikon da ninon tobil abinek gen tagisi kili niyik. Ji da nandan gadat tebai anek amin do but dasi galak tan yoman unun do niyik. Ae bisapmi bisapmi nin do nandanek tagisi nandan yan yosok. Nin ji dandakdosi nandaman, yan gin jiyo kisi nin nindakdosi nandan yanjo kisi niyik. <sup>7</sup>Not kabi, nin jigi ae tepmiyo panek ji da nandan gadat tebai an unun dakon geni nandanek unun da butnin panjeban asak. <sup>8</sup>Amin Tagikon gadanek tebai akgan yan nandaman, do nin egip egip bamisi ekwaman. <sup>9</sup>Nin ji do nandanek Pinjopnin da injamon kisik kisik madepsi anek Pinjop ya yan iyino aripmi dima asak. <sup>10</sup>Gildari ae kalbi Pinjop da nipban abin ji dandanek nandan gadatji da tetgin yo nido wadan unun damnen do bisit madepsi anek ekwaman.

### Pol Tesalonaika amin kin pindat do bisit agit

<sup>11</sup>Pinjop Datnin gat ae Amin Taginin Yesu gat da kosit yipman nimanakwan jikon opnej kan tagisi yan nandaman. <sup>12</sup>Amin Tagi da

<sup>1</sup> 2.19 Pil 2.15-16; 4.1; 2Tes 1.4    <sup>m</sup> 3.1 Ya 17.15    <sup>n</sup> 3.2 Ya 16.1-3    <sup>o</sup> 3.3 2Ti 3.12  
<sup>p</sup> 3.6 Ya 18.5    <sup>q</sup> 3.7 2Tes 1.4    <sup>r</sup> 3.11 2Tes 2.16-17

ji paŋtagap aban ji kabikon ae amin morap kisikon but dasi galak taŋ yomyom aŋpak uŋun madepsi paptan ireŋ tosak do nandaman. Nin da ji do madepsi but dasi galak taŋ damaman uŋun da tilagon ani dosi nandaman. <sup>13</sup>Yaŋ aŋakwa Amin Taginin Yesu Kristo da butji paŋteban aŋakwan iyi dakon miŋat amin kabini morap gat apjak bisapmon ji telagisi ae gwaljiŋi minisi Piŋkop Datnin da iŋamon atni dosi nandisat.

## Tesalonaika amin aŋpak tagisi aŋ kimotni

(Kilapmi 4–5)

### Yumabi diŋa ani

**4** <sup>1</sup>Not kabi, mibi do yaŋ dayisat. Aŋpak morap Piŋkop da pindakban tagisi aŋ uŋun anidosi nin da kili doligiman, ji uŋun baŋ yolek aŋ. Mani abisok Amin Tagi Yesu da manon uŋun aŋpak sigin saŋbeŋek madepsi aŋ kimotnisi do dayiŋ paŋteban aman.

<sup>2</sup>Amin Tagi Yesu da yaŋ mudan niban nawa gen dayigiman uŋun disi nandan. <sup>3</sup>Piŋkop da ji telagisi egek yumabi aŋpak mibili mibili diŋa ani do nandisak. <sup>4</sup>Giptimji dakon galaktok yokwi diŋa yolni do kila tagisi aŋek telagisi egek amin bamisi da tilagon egipni. <sup>5</sup>Galak tok yokwisi gat, ae nandak nandak yokwisi gat da ilik paŋkwa Piŋkop diŋa nandan iŋan amin da yumabi aŋ uŋuden di abam. <sup>6</sup>Ji paŋmuwukbi wili notji paŋkewalek yumabi aŋpak uŋuden miŋatni gat diŋa ani. Amin Tagi da aŋpak uŋuden aŋ amin yo yokwisi aŋyomdisak. Nin uŋun dakon nawa gen tebaisi kili dayigiman. <sup>7</sup>“Piŋkop da yumabi aŋpak mibili mibili aneŋ do diŋa yaŋ nimgut. Telagisi egipneŋ do yaŋ nimgut. <sup>8</sup>“Yaŋdo, gen on abiŋ yipmaŋdak amin uŋun amin dakon gen naŋ diŋa abiŋ yipmaŋdak. Uŋun Piŋkop, Telagi Wupni damisak, uŋun dakon gen naŋ abiŋ yipmaŋdak.

### Aŋpak tagisi aŋ kimagapno teban tosak

<sup>9</sup>“Paŋmuwukbi notji do but dasi galak taŋ yomiŋ yomiŋ ani uŋun do gen di diŋa mandagi nandisat, nido Piŋkop da iyi uŋun do kili dayiŋ dekgit. <sup>10</sup>Ji asi paŋmuwukbi notji Masadonia provinskon dukwan dukwan ekwan uŋun do but dasi galak taŋ yoman. Mani, uŋun aŋpak sigin saŋbeŋek madepsi aŋakwa pap tosak dosi dayaman. <sup>11</sup>“Ji yawori egek disi da egip egipmon yo morap agagi uŋun dogin nandaneŋ amin

<sup>s</sup> 4.3 1Tes 5.23; 1Pi 1.16    <sup>t</sup> 4.4-5 1Ko 6.13    <sup>u</sup> 4.7 Ibr 12.14; 1Pi 1.15-16    <sup>v</sup> 4.8 Lk 10.16; 2Ko 1.22    <sup>w</sup> 4.9 Jn 13.34    <sup>x</sup> 4.11 Ep 4.28

diwari da egip egip nian an unun dakon geni ban yanek dima egipni. Kalip dayigiman unun da aripmon ji kisitji da pi anek unun ban egip egipji dakon kila ani. <sup>12</sup>Yan anek kando amin da kiron dima egipni. Anakwa panmuwukbikon dima sanbenbi amin da anpakji pindagek nandaba wukwan damni.

### Amin Tagi da abin nin panmuwutdisak

<sup>13</sup>Not kabi, amin kili kimakgwit kabikon yo ni da noman tokdan unun ji da pakyan si nandani do nandaman. Pin kop dima nandan gadan iman amin da kimakbi aripmi dima pidoni yan nandanek bupmi madepsi nandan unuden di abam. <sup>14</sup>Yesu kimakgit da aeni pidagit yan si nandan gadaman. Yan agit do nin yan si nandaman, Pin kop da amin Yesu nandan gadan iminek kili kimakgwit amin unun Yesu gat timikban apdan.

<sup>15</sup>Amin Tagi iyi dakon gen dayaman unun yan: Amin Tagi tobi apjak bisapmon nin kalugi ekwaman amin da amin kimakbi mibil tan yominek dima kirkdaman. <sup>16</sup>Amin Tagi iyi Kwen Kokup da pin ek yan tidanek gen teban kind a yosak. Anakwan anelo mibiltogi da gen yanakwan Pin kop dakon kwen yosak. Anakwan Kristo nandan gadan iminek kimakgwit amin da kalip pidokdan. <sup>17</sup>Unun bisapmon minat aminyo kalugi sigin egipne an nin wigino unun amin gat gikwemon muwugek kwen binap Amin Tagi gat domdom akdaman. Anek Amin Tagi gat bisap dagok dagogi mini egi wigikdaman. <sup>18</sup>Ji notji pan teban ak do gen on notji yoyin yoyin ani.

### Nin si tagap tanek egapno Amin Tagi apjak

**5** <sup>1</sup>Not kabi, unun yo morap ni bisapmon, bo ae ni gildaron noman tokdan unun do dima mandagi nandisat. <sup>2</sup>“Nido disi nandan, Amin Tagi apjak dakon gildat unun kabo noknok da kalbi but pisoni mini aban unun da tilak but pisoni mini apdisak. <sup>3</sup><sup>b</sup>Amin da yan yokdan, “Yaworisi ekwaman, ae yo di da nin aripmi dima panupbal ani.” Yan yanakwa unudon gin minat da monji panjalak do but pisoni mini monji suganakwa tepmi pan unun da tilak tepmisi tasik tokdan, ae aripmi dimasi pulugan kirkdan.

<sup>4</sup>Mani not kabi, ji pilin tukgwan dima ekwan, do unun gildat kabo noknok da yan noman tan daban dima wiripdatdan. <sup>5</sup><sup>c</sup>Ji kisisi ten teni ae gildat dakon amin. Nin kalbi ae pilin tuk dakon amin dima. <sup>6</sup>Yan do, amin diwari da dipmin pak ekwan unun da tilak dima egipne. Kalugi egek nin do kila tagisi anek egipne. <sup>7</sup>Dipmin pokgon amin unun kalbi pokgon, ae pakbi teban nanek but upbal an amin unun kalbi an.

<sup>y</sup> 4.14 Ro 14.9; 1Ko 15.3-4,12    <sup>z</sup> 4.15-16 1Ko 15.51-52    <sup>a</sup> 5.2 Mt 24.42-43; 2Pi 3.10; PA 3.3    <sup>b</sup> 5.3 Mt 24.39; Lk 21.34-35    <sup>c</sup> 5.5 Ro 13.12

<sup>8d</sup>Mani nin gildat dakon amin, do nin nin do kila tagisi anjek egipnerj. Nandaŋ gadat gat, ae amin do but dasi galak taŋ yomyom anpak baŋ pibit kutnoknin do panaŋ. Ae Piŋkop da yokwikon baŋ wagil timitdisak yaŋ nandaŋ teban taŋek jomjom amaŋ uŋun da busuŋ kutnoknin asak. <sup>9</sup>Piŋkop da butjapni panaŋ do dima manjigit. Amin Taginin Yesu Kristo da pi agit do anjek nin yokwikon baŋ timitjak do manjigit. <sup>10e</sup>Yesu nin do anjek kimakgit. Sigin egapno apjak bo kimagapno apjak uŋun iyi gat egipdamaŋ gin, mibili yaŋ do anjek kimakgit. <sup>11</sup>Yaŋdo, ji abisok aŋ, yaŋ gin notji paŋpuluganjek butni paŋteban aŋ aŋ ani.

### **Piŋkop da paŋmuwukbi paŋpulugaŋban anpak tagisi baŋ timitni**

<sup>12</sup>Not kabi, ji kila aminji gawak yomni. Uŋun amin ji dakon wukwisi egek ji da binapmon pi tebai anjek nawa gen dayaŋ. Amin Tagi da uŋun amin kila aminji egipni do paŋalon aŋ yopgut. <sup>13</sup>Pi madepsi aŋ uŋun do nandaŋek nandaba wukwan yomiŋek but dasi galak taŋ yomni. Ae not kabisi gat but kalon anjek yawori egipni.

<sup>14f</sup>Not kabi, anpak ani dosi nandamaŋ uŋun yaŋ: kurak tok amin pi ani do tebai yoyini, ae yo tagi dima aneŋ yaŋ nandaŋ amin butni paŋteban ani, ae tapmimni mini amin paŋpulugoni. Amin kisi do but yaworon da kulabik ani do bikbik yomni.

<sup>15g</sup>Amin da yokwi anjaba kaŋ, tamoni do kobogi yokwi dima anjomni. Bisapmi bisapmi disikon ae amin kisikon anpak tagisi anjom do pi tebaisi ani.

<sup>16h</sup>Bisapmi bisapmi kisik kisik anjek egipni. <sup>17</sup>Bisit yipmaŋ deri mini anjek egipni. <sup>18i</sup>Yo niaŋen di noman taŋ daba kaŋ, ji Piŋkop ya yaŋ iyini, nido Piŋkop da Yesu Kristokon gadawit amin ji anpak yaŋ ani do nandisak.

<sup>19j</sup>Telagi Wup da butjikon yo kinda ani do kindap da yaŋ soŋban kaŋ dima abi kimotjak. <sup>20</sup>Ae amin kinda da kombi gen dayik do aban kaŋ dima kurak taŋ imni. <sup>21k</sup>Mani gen morap gat ae anpak morap gat kokwin tagisi ani. Anjek yo tagisi baŋ timigek <sup>22</sup>yo yokwi morap paŋpekwozni.

<sup>23l</sup>Piŋkop but yawot nimisak uŋun da ji paŋtagap aban egip egipji kisi parek imiŋek telagisi egipni dosi nandamaŋ. Yaŋ anjek wupji ae butji ae giptimji dakon kila anjakwan diwarisi mini egakwa Amin Taginin Yesu Kristo tobil apjak. <sup>24</sup>Piŋkop ji yaŋ damgut uŋun da jikon pi aban uŋun yo morap noman tokdaŋ, nido Piŋkop gen yosok uŋun dimasi yapmaŋdak.

<sup>25m</sup>Not kabi, Piŋkop da nin paŋpulugosak do bisit ani.

<sup>26</sup>Paŋmuwukbi notji gat domdom ani bisapmon but dasi timitni.

<sup>d</sup> 5.8 Ais 59.17; Ep 6.14,17 <sup>e</sup> 5.10 Ro 14.8-9; 1Tes 4.14 <sup>f</sup> 5.14 2Tes 3.6,11

<sup>g</sup> 5.15 Ro 12.17; 1Pi 3.9 <sup>h</sup> 5.16 Pil 4.4 <sup>i</sup> 5.18 Ep 5.20 <sup>j</sup> 5.19 Ep 4.30 <sup>k</sup> 5.21-22 1Jn 4.1

<sup>l</sup> 5.23 2Tes 3.3 <sup>m</sup> 5.25 Kol 4.3; 2Tes 3.1

<sup>27</sup>Amin Tagi da manon da tebai yan dayisat, on papia paɲmuwukbi kabi kisikon manjiɲ yomni. <sup>28</sup>Amin Taginin Yesu Kristo dakon nandan yawotni jikon tosak do bisit amanɲ.